

7 Agus thubhairt na daoine sin ris, *Tha* sinne air ar falachadh le corp duine mbairbh: c'ar son a chumar air ar n-ais sinn, a chum as nach feud sinn tabhartas an Tighearna thoirt seachad 'na àm fuidhichte féin am measg chloinn Israeil?

8 Agus thubhairt Maois riu, Seasaibh *'an sin*, agus cluinnidh mise ciod a dh'aithneas an Tighearna d'ar taobh.

9 Agus labhair an Tighearna re Maois, ag ràdh,

10 Labhair re cloinn Israeil, ag ràdh, Ma bhios duine sam bith dhibh no d'ar fliochd air a shalachadh le corp marbh, no *ma bhios e* air thurus fad air astar, goidheadh cumaidh e chàisg do'n Tighearna.

11 'Sa' cheathramh là deug do'n dara mìos air feasgar cumaidh iad i: le h-aran neo-ghoirtichte, agus le *lusaibh* fear-bhaithidh iad i.

12 Cha 'n fhàg iad a' bheag dhith gu madainn, ni mò a bhriseas iad cnàimh dhith: a réir uile orduighean na càisge cumaidh iad i.

13 Ach an duine a *ta* glan, agus nach 'eil air thurus, agus a dhearmadas a' chàisg a chumail; gearrar eadhon an t-anam na féin as o shluagh, a chionn nach d'thug e seachad tabhartas an Tighearna 'na àm fuidhichte: cluinnidh an duine sin a pheacadh.

14 Agus ma bhios coigreach a' thubhairt 'nar measg, agus gu'n cum e chàisg do'n Tighearna, a réir orduigh na càisge, agus a réir a gnàtha, mar sin ni e: bithidh e an orduigh agaibh araon

air son a' choigrich, agus air a shon-san a rugadh 'san tìr.

15 Agus air an là anns an do thogadh suas am pàillion, chòmhdaich an neul am pàillion, *eadhon* bùth na fianuis; agus air feasgar bha air a' phàillion mar gu'm bu chossas^a teine gus a' mhadainn.

16 Mar sin bha o ghnàth: chòmhdaich an neul e *'an là*, agus cossas teine 'san oidhche.

17 Agus an uair a thogadh an neul suas o'n phàillion, 'an sin gun dàil ghabh clann Israeil an turus: agus 'san ionad anns an do stad an neul, ann an sin champaich clann Israeil.

18 Air àithne an Tighearna ghabh clann Israeil an turus, agus air àithne an Tighearna champaich iad: am feadh 's a dh'fhan an neul air a' phàillion, dh'fhan iad 'nam bùthaibh.

19 Agus an uair a dh'fhan an neul air a' phàillion mòran do làithibh, 'an sin ghleiddh clann Israeil freasdal^b an Tighearna, agus cha d'imich iad.

20 Agus an uair a bha an neul beagan do làithibh air a' phàillion, a réir àithne an Tighearna dh'fhan iad 'nam bùthaibh, agus a réir àithne an Tighearna ghabh iad an turus.

21 Agus an uair a dh'fhan an neul o fheasgar gu madainn, agus a thogadh an neul suas 'sa' mhadainn, 'an sin ghabh iad an turus: ma b'annas an là no 'san oidhch' a thogadh an neul suas, ghabh iad an turus.

22 No co *dhiubb a b'ann* dà là, no mìos, no bliadhna dh'fhan an neul air a' phàillion, a' fuireach air, dh'fhan clann Israeil 'nam bùthaibh,

† chosmhlas. II h b cùram, carbaidh.